



REPUBLIKA E KOSOVËS - REPUBLIKA KOSOVO	
KOMUNA E VUSHTRRIË-OPŠTINA VUČITRN	
01 Nr. / Br	51/25
Nr. i fq. / Br. st	-8-
Data: / Datum	27. 03. 2025
VUSHTRRI - VUČITRN	



REPUBLIKA E KOSOVËS

KUVENDI I KOMUNËS – VUSHTRRI

PROCESVERBAL

NGA MBLEDHJA E II E RREGULLT E KUVENDIT TË KOMUNËS SË VUSHTRRIË, PËR VITIN 2025, MBAJTUR MË: 27 SHKURT 2025

Mbledhja është mbajtur në sallën e Kuvendit të Komunës së Vushtrrisë, duke filluar në orën **10:20**. Në këtë mbledhje ishin të pranishëm anëtarët e Kuvendit të Komunës së Vushtrrisë: Adnan Lahu, Agim Bregaj, Agron Përçuku, Ali Januzi, Arlind Gogolli, Basri Menxhiqi, Behar Duraku, Bekim Zabërgja, Blerina Shala, Bujar Pllana, Edona Gashi, Faton Hyseni, Leonora Gërguri, Fakte Dushi, Fatmire Cccelia, Gentiana Rama, Gresa Muli, Kushtrim Hyseni, Mek Selaci, Jeton Gjaka, Spasoje Stefanoviç, Shkelzen Xhaferi, Refik Maloku, Ramadan Parduzi, Melihate Basholli-Latifi, Mensur Kasumi, Mensur Kastrati, Mentor Hasani, Mentor Ferizi, Nurten Çerkezi-Gjyshinca, Sylejman Mehulli dhe Ymer Haradinaj.

Munguan: Nurie Halili, Nasuf Aliu dhe Zojë Hajrizi.

Mbledhjen e hapi dhe e kryesoi Melihate Basholli-Latifi, Kryesuese e Kuvendit, e cila konstatoi se në sallë janë prezentë 32 anëtarë të kuvendit dhe kuorumi është i plotë për zhvillimin e punimeve të mbledhjes plenare dhe për marrje të vendimeve të plotfuqishme, andaj procedoi me rendin e ditës.

Të pranishëm në këtë mbledhje ishin edhe kryetari i komunës z. Ferit Idrzi, nënkryetarja znj. Hava Mlinaku-Rruka, përfaqësuesi i KFOR-it, përfaqësuesi i OSBE-së, përfaqësues të mediave të shkruara dhe elektronike, përfaqësues të shoqërisë civile.

Adnan Lahu, anëtar i kuvendit-pas i përshëndeti gjithë të pranishmit deklaroi: për tri vite të Kryetarit Idrizi dhe PDK-së në Vushtri kemi parë një qeverisje dhe një menaxhim shumë të dobët të komunës sonë, dhe kemi parë shumë KAOS. Për këto tri vite qyteti ynë dhe rrugët tona janë shndërruar në një KAOS të vërtet, në cilën do anë të qytetit gjen bagera të parkuar me muaj të tërë në skaje të rrugëve, duke u munduar të krijojnë përshtypjen se këtu është duke u punuar. Barger të parkuar me muaj të tërë në rrugën “Gjergj Kastrioti Skënderbeu” afër shkollës fillore Mustaf Venhari, bager të parkuar me muaj të tërë tek parku i qytetit, barger i parkuar me muaj të tërë në rrugën “Pandeli Sotiri”, pra këtu nuk ka punë, këtu ka vetëm KAOS dhe këtë KAOS po e shohin edhe qytetarët e Vushtrrisë. Në prononcimet e fundit e kemi dëgjuar Kryetarin duke thënë se unë i pres qytetarët në zyrë, dhe edhe e kemi parë që po i pret, por për fat të keq ashtu si po i pret ashtu edhe po i përcjell dhe punët nuk po lëvizin. Kryetar dua t’ju kujtoj që përpos që ti presësh në takime qytetarët duhet edhe të punosh, e punët duhet të kryhen në teren dhe jo në zyre. Për të disa herë ju kemi kujtuar se shumë biznese në shesh dhe në afërsi të sheshit janë duke u mbyllur për shkak se ju keni pamundësuar funksionimin atyre bizneseve, ku për këto biznese kishit premtuar

kompensim i cili kompensim nuk ndodhi asnjëherë. Ky shqetësim është ngritur shumë herë në këtë kuvend, por as që na dëgjonit, dhe vazhduat kështu deri sa i detyruat banorët e atij lokaliteti ta ngritin zërin dhe ta bëjnë këtë problem edhe mediatik. Dhe pas gjithë kësaj që ndodhi të dashur qytetar të Vushtrrisë, përgjigja e Kryetarit për rrugën Pandeli Sofiri ishte se këtë rruga e ka lënë keq pushteti i kaluar. I nderuar Kryetar, ju them që pushteti i kaluar ka pasur gabime, sepse ka bërë shumë punë, të cilat punë i kanë parë edhe qytetarët tanë. Dua t'ju numëroj vetëm tri projekte të cilat i ka realizuar LDK në Vushtri: 1. Furnizimi me ujë të pijshëm në 70% të territorit të komunës sonë. 2. Themelimi i Ndërmarrjes Publike Përparimi me të cilën po krenoheni edhe ju sot. 3. Mbledhja e mbeturinave në tërë territorin e komunës sonë të cilat deri me ardhjen e LDK-se në pushtet ishin mbledhur vetëm në qytet, 4. Ndërtimi i QKMF-së 5. Ndërtimi i shtëpisë së pleqve dhe shumë projekte tjera si këto të cilat i dimë dhe i shohim, por kam një pyetje për ju Kryetar, a mund ti numëroni 3 punë për të cilat krenoheni që i keni bërë dhe për të cilat ju ka pa hajrin qyteti dhe qytetarët.

Agron Përçuku, anëtar i kuvendit –pasi i përshëndeti të pranishmit, ngrit shqetësimin e punëtorëve teknik të tri shkollave të mesme në Komunën e Vushtrrisë, ku ceku se këta punëtor që janë pjesë e Kompanisë “Përparimi” po ju bëhet një diskriminim i madh për sa i përket pagave dhe beneficioneve tjera që dalin nga pagat e tyre. Ai sqaroi se në vitin 2011 ishte marr një vendim që këta punëtor që ishin në kuadër dhe punëtor të DKA-së të transferohen në një kompani private pa vullnetin e tyre dhe ky transferim ishte paraparë të zgjaste vetë, një vit si pilot projekt, por ky vendim nuk kishte pasur qëllim përmirësimin e shërbimeve por hapja e rrugës për një tender me të vetmin qëllim keqpërdorimin e parasë publike. Ky transferim i këtyre punëtorëve pa pëlqimin e tyre përbente shkelje ligjore. Me qëllim të amortizimit të pakënaqësive të këtyre punëtorëve më vonë ishte marr një vendim nga komuna që sa herë që kemi ngritje të pagave të bëhet edhe ngritja e pagave të këtyre punëtorëve teknik në mënyrë lineare, por që kompania private nuk e zbatoj asnjëherë këtë vendim. Pas themelimit të Ndërmarrjes “Përparimi” është vendosur që këta punëtor të jenë pjesë e N.P.L. “Përparim” por kjo gjë nuk ka ndodhur, gjithashtu kur u bë marrëveshja për transferimin e 61 punëtorëve në Ndërmarrjen “Përparimi” nga kompanitë private në Ndërmarrjen “Përparim” këta punëtor u diskriminuan, pasi që nuk u bënë pjesë e Kompanisë dhe nuk u përfshinë në rritjen e pagave dhe beneficioneve tjera. Përgjegjësit për këto çështje mbeten tek DKA-ja dhe Ndërmarrja “Përparimi” e që nuk iu janë përgjigjur këtyre punëtorëve dhe nuk i kanë ndërmarr masat për zgjidhjen e këtij problemi. Për më tepër disa nga këta punëtor janë kërcënuar, disa janë shantazhuar se nëse e ngrasin zërin mund të përjashtohen në mënyrë arbitrare dhe kundërligjore nga puna. Propozimi i tij është që Ndërmarrja “Përparimi” të përmbush obligimet ndaj punëtorëve në fjalë duke i zbatuar vendimet e DKA-së për këta punëtor, të iu njihet përvoja e punës dhe të iu paguhet detyrimet përkatëse, dhe po ashtu këta punëtor të përfshihen në listën e shujtave sikurse punëtorët tjerë, dhe po ashtu të ketë ngritje të pagave. Në fund kërkoj nga organet përgjegjëse që të reagojnë shpejt në zgjidhjen e këtij problemi, duke e ndaluar diskriminimin dhe trajtimin jo të drejtë të këtyre punëtorëve.

Faton Hyseni, anëtar i kuvendit –pasi i përshëndeti gjithë të pranishmit, adresoj një kërkesë të parashtruar nga Kryqi i Kuq për mbështetje financiare lidhur me nderimin e objektit të tyre, të cilën komuna e ka ndihmuar duke ja ndarë pronën, por që kostoja e ndërtimit është bukur e lartë dhe duhet të ti ndihmohet me një pjesë të mjeteve financiare.

Ymer Haradinaj, anëtar i kuvendit –pasi i përshëndeti gjithë të pranishmit, adresoj shqetësimin për gjendjen e 20 punëtorëve teknik në tri shkollat e mesme të Komunës së Vushtrrisë. Këta punëtor për kohë të gjatë kanë qenë si shërbyes profesional dhe për një kohë të gjatë kanë qenë në listat e pagave, së bashku me mësimdhënësit dhe punëtorët tjerë arsimor. Në vitin 2011 qeveria e

atëherëshme komunale e udhëhequr nga PDK dhe kryetari Bajram Mulaku patën marr vendim që këta punëtorë të largohen nga listat e pagave, dhe duke i dhënë në menaxhim kompanive private deri në vitin 2021 për të kaluar pastaj në Kompaninë "Përparimi". Këta punëtor kompanitë i kanë ndërruar por punën e bëjnë të njëjtë, d.m.th. njëjtë sikurse punëtorët tjerë teknik në shkollat tjera, ndërsa ligji përcakton se punëtorët për punën e njëjtë marrin pagën e njëjtë. Këta punëtor të këtyre tri shkollave nuk janë përshirë në rritjen e pagave prej 55 €, dhe nuk i gëzojnë të drejtat nga kontrata kolektive. Lidhur me këtë problematikë, kërkoj nga kryetari i komunës dhe qeveria komunale, që ta rishikojnë marrëveshjen e vitit 2021 që është diskriminuese për këta punëtor, ashtu që këtyre punëtorëve të iu mundësohet rritja e pagave sikurse kolegëve të tyre.

Ferit Idrzi, kryetar i komunës-në fillim të diskutimit të tij të gjithë besimtarëve të besimit islam iu uroj muajin e shenjtë të Ramazanit, duke ju uruar agjërim të lehtë, shëndet e begati në familjet e tyre! Tutje duke ju përgjigjur pyetjeve të anëtarëve të kuvendit deklaroi se është e vërtet se në komunën e Vushtrrisë është duke u punuar në të gjitha anët, dhe vlerësoi se projektet të cilat janë duke u kryer në Vushtrri nuk do të ketë nevojë që mandatin e ardhshëm të punohet sërish në to, sikurse po ndodhë në rrugën "Pandeli Sotiri", dhe kjo ka ndodh sepse është punuar keq dhe në atë rrugë është investuar në komplet infrastrukturën nëntokësore, kjo rrugë ky projekt do të përfundohet shumë shpejtë dhe arsyetohet se shkaqet e vonësive kanë qenë kushtet klimatike. Lidhur me kompensimin e bizneseve që shtrihet tek sheshi "Adem Jashari" do të bëhet një prerje në momentin kur përfundon ajo pjesë e sheshit dhe për ato biznese që janë dëmtuar do të kompensohen për kohën që kanë pasur humbje dhe propozim-vendim për ndihmë financiare do të vjen në kuvend për aprovim. Lidhu me numrin e projekteve të qeverisë së tij, vlerësoi se janë këto projekte që do të lënë gjurmë në Komunën e Vushtrrisë dhe disa prej tyre do të përfundohen këtë vit që korrespondon që është vit elektorale. Dhe në këto projekte si më të rëndësishme evidentohen se janë projekte dy vjeçare si: objekti i shkollës "Mustafë Venhari", rr. "Bekim Berisha", rr."Lumni Surdulli", rr. "Drenica" ndërtimi i sheshit me parking nëntokësor, nderimi i tregut për prodhuesit vendor me parking nëntokësor, rruga Pestovë-Druar, që është përfunduar që vërtet ka qenë në gjendje të mjerueshme por që e ka lehtësuar jetën e atyre banorëve lokal dhe banorëve të tjerë që kalojnë nga ajo rrugë si artere kryesore për kyçje në rrugën magjistrale. Pastaj është bërë një punë e jashtëzakonshme në pastrimin e lumenjve dhe kështu ju kemi shpëtuar vërshimeve dhe dëmeve që i kemi pësuar viteve të kaluara. Është punuar shumë në fushën e arsimit, është rritur numri i bursave, dhe po ashtu e kemi mundësuar edhe bursa për studentët e fakulteteve private dhe për studentët që studiojnë jashtë vendit. Është mundësuar për herë të parë zhvillimi i arsimit dualë, është investuar në projektet për shkathtësi të buta, është investuar në profilet profesionale, në arsimin shkollat profesionale. Lidhur me çështjen e punëtorëve teknik në tri shkollat e mesme, ceku se është e vërtet që këta punëtor janë të diskriminuar sepse të njëjti nuk paguhet nga Kompania "Përparimi" por nga buxheti i komunës-mallra dhe shërbime, dhe komuna duhet të marr vendim për rritjen e pagave të tyre, por problemi është se nuk kemi mjete për këtë çështje, për shkak të obligimeve nga kontrata kolektive në vlerë prej 8 milion euro, dhe kjo është një goditje e rëndë për financat e Komunës së Vushtrrisë. Andaj shpreson se në një të ardhme të afërt të gjendet një zgjidhje edhe për pagat e atyre punëtorëve teknik.

Agron Përçuku, anëtar i kuvendit –kërkoj që marrëveshja e vitit 2021 të anulohet dhe DKA bashkë me Ndërmarrjen "Përparimi" të marr vendim që ata punëtor të jenë pjesë e N.P.L "Përparimi" ashtu që ti gëzojnë të drejtat e tyre.

Melihate Basholli-Latifi, kryesuese e kuvendit – kërkoj pika që ka të bëjë me Informatën për shërbimet shëndetësore për vitin 2024 në Komunën e Vushtrrisë, të hiqet nga rendi i ditës.

Në fund të debatit, jashtë rendit të ditës dhe për rendin e ditës, Kuvendi pas votimit me 28 vota “për”, aprovoi këtë:

R E N D I T E

1. Miratimi i procesverbalit nga mbledhja e rregullt e Kuvendit të Komunës së Vushtrrisë, mbajtur më datë 30 janar 2025.
2. Informatë për gjendjen e sigurisë në Komunën e Vushtrrisë për vitin 2024.
3. Propozim – vendim për dhënien e titullit “Nderi i Qytetit” për z.Latif Berisha (post-mortum).
4. Propozim – vendim për miratimin e propozimit të Kryetarit të Komunës për lirim nga qiraja për vitin 2022,2023 dhe 2024 e lokaleve, pronë komunale në sheshin “Adem Jashari”.
5. Raport për punën njëvjeçare të Komitetit për Komunitete për vitin 2024.
6. Raport i vlerësimit të dëmeve nga fatkeqësitë natyrore dhe fatkeqësitë tjera në Komunën e Vushtrrisë, në muajt korrik dhe gusht 2024.
7. Informatë lidhur me procedurën e kërkesave për lejet ndërtimore për vitin 2024.
8. Informatë për punën e Këshillit Komunal për Siguri në Bashkësi për vitin 2024.
9. Plani i Punës i Këshillit Komunal për Siguri në Bashkësi për vitin 2025.
10. Kërkesë për përkrahje financiare.
11. Pyetje dhe përgjigje.

1. Miratimi i procesverbalit nga mbledhja e rregullt e Kuvendit të Komunës së Vushtrrisë, mbajtur më datë 30 janar 2025.

Pas shqyrtimit të kësaj pike të rendit të ditës, kuvendi me 26 vota “për” miratoi Procesverbalin nga mbledhja e rregullt e Kuvendit të Komunës së Vushtrrisë, mbajtur më datë 30 janar 2025.

2. Informatë për gjendjen e sigurisë në Komunën e Vushtrrisë për vitin 2024.

3. Propozim – vendim për dhënien e titullit “Nderi i Qytetit” për z.Latif Berisha (post-mortum).

Adnan Lahu, anëtar i kuvendit –tha se grupi kuvendar i LDK-së e mbështet plotësisht Propozim – vendimin për dhënien e titullit “Nderi i Qytetit” për z.Latif Berisha.

Refik Maloku, anëtar i kuvendit – tha se grupi kuvendar i LVV-së e mbështet plotësisht Propozim – vendimin për dhënien e titullit “Nderi i Qytetit” për z.Latif Berisha.

Mentor Hasani, anëtar i kuvendit – tha se grupi kuvendar i PDK-së e mbështet plotësisht Propozim – vendimin për dhënien e titullit “Nderi i Qytetit” për z.Latif Berisha.

Pas shqyrtimit të kësaj pike të rendit të ditës, kuvendi me vota “unanime” vendosi me sa vijon:

1. Me këtë vendim, më datë 24 mars “ditës së rënies”, me titull “Nderi i qytetit” (post mortum), nderohet z. Latif Berisha, për kontributin e dhënë për çështjen kombëtare, duke u bërë frymëzim për brezat e ardhshëm.

2. Dorëzimi i kësaj dekorate (titullit) do të bëhet nga Kryetari i Komunës, më datë 24 mars “ditës së rënies”.

3. Për zbatimin e këtij vendimi obligohen: Kryetari i komunës, Drejtoria për Kulturë, Rini dhe Sport, si dhe Drejtoria për Buxhet dhe Financa.

4. Ky vendim hynë në fuqi shtatë (7) ditë pas publikimit në faqen zyrtare të Komunës së Vushtrrisë.

4. Propozim – vendim për miratimin e propozimit të Kryetarit të Komunës për lirim nga qiraja për vitin 2022,2023 dhe 2024 e lokaleve, pronë komunale në sheshin “Adem Jashari”.

Adnan Lahu, anëtar i kuvendit –tha se në kudër të kësaj pike të rendit të ditës, kryetari ka pasur mundësi të propozoi që ti ndihmoj bizneset që janë në sheshin “Adem Jashari” që janë dëmtuar nga punimet në parkingun nëntokësor.

Ymer Haradinaj, anëtar i kuvendit – tha se grupi kuvendar i LVV-së e mbështet plotësisht këtë propozim-vendim, dhe shtoj se në seancën e muajit dhjetor 2023 kishte propozuar që të bëhet kompensimi i bizneseve që shtrihen përgjatë sheshit “Adem Jashari”, atëherë kryetari i komunës ishte arsyetuar se duhet të bëhet një komision për vlerësim të atyre bizneseve dhe dëmeve dhe të kompensohen por akoma nuk kemi asgjë në këtë drejtim.

Ferit Idrzi, kryetar i komunës-tha se do të presim kur të bëhet shtimi i pllakave në shesh, më tej do të merret data e nisjes së punimeve dhe data e përfundimit dhe do të bëhet kompensimi i qirave për ato biznese.

Pas shqyrtimit të kësaj pike të rendit të ditës, kuvendi me vota “unanime” vendosi me sa vijon:

1. Me këtë vendim miratohet propozimi i Kryetarit të Komunës, për lirimin nga qiraja për vitin 2022, 2023 dhe 2024 pronarët në shfrytëzim të lokaleve afariste, pronë komunale në sheshin “Adem Jashari” si në vijim:

- 1.1. Aziz Kolla qiramarrës i lokalit nr. 136
- 1.2. Fatmir Durguti qiramarrës i lokalit nr. 138
- 1.3. Ahmet Tërllabuqi qiramarrës i lokalit nr. 140
- 1.4. Zeqir Mulaku qiramarrës i lokalit nr.142
- 1.5. Naim Jetullahu qiramarrës i lokalit nr.144

2. Për zbatimin e këtij vendimi obligohet: Drejtoria për Gjeodezi, Kadastër dhe Pronë.

3. Ky vendim hyn në fuqi pesëmbëdhjetë (15) ditë pas regjistrimit në Zyrën e protokollit të Ministrisë së Administrimit të Pushtetit Lokal si dhe shtatë (7) ditë pas publikimit në faqen zyrtare të Komunës së Vushtrrisë.

5. Raport për punën njëvjeçare të Komitetit për Komunitete për vitin 2024.

Pas shqyrtimit të kësaj pike të rendit të ditës, kuvendi me vota “unanime” aprovoj Raportin për punën njëvjeçare të Komitetit për Komunitete për vitin 2024.

6. Raport i vlerësimit të dëmeve nga fatkeqësitë natyrore dhe fatkeqësitë tjera në Komunën e Vushtrrisë, në muajt korrik dhe gusht 2024.

Ymer Haradinaj, anëtar i kuvendit –deklaroi se nuk bëhet fjalë vetëm për dy biznese, por bëhet fjalë për dhjetëra biznese, të cilat janë dëmtuar nga fatkeqësitë natyrore, e të cilat nuk janë kompensuar. Ndër të tjera shtoj për dëmin që i është shkaktuar familjes Vatovci, ka bërë kërkesë dhe për më tepër në seancën e korrikut 2024 kishte propozuar që të futet si pikë e rendit të ditës ndihma financiare por të njëjtin e kishte tërhequr me arsyen se ishte zotuar kryetari se do të kaloj në komision për vlerësim e më pas duhet të procedohet në kuvend për aprovim, por një gjithë e tillë asnjëherë nuk është realizuar. Ai kërkoj që jo vetëm për këtë rast por për të gjitha rastet të evidentohen në teren dhe raporti të silltet në kuvend për aprovim dhe ofrim të ndihmës.

Adnan Lahu, anëtar i kuvendit –tha se ky raport vërtet është shumë i zbehtë dhe nuk është gjithëpërfshirës sepse në të janë evidentuar vetëm dy fermerë që iu janë shkaktuar dëme nga fatkeqësitë natyrore.

Agron Përçuku, anëtar i kuvendit –tha se raportet të tilla kemi pasur edhe më herët të cilat janë aprovuar nga kuvendit dhe pyeti se këto vendime për këto raport a janë ekzekutuar nga ana e qeverisë komunale, për ti ofruar ndihmë fermerëve që kanë pësuar dëme nga fatkeqësitë natyrore.

Ferit Idrzi, kryetar i komunës-sqaroi se sa i përket dëmeve nga vërshimet, komision në mënyrë kompletet i ka bërë raportet dhe i ka dërguar në ministrinë e linjës për të ofruar ndonjë ndihmë. Më tej shtoj se vlerësimi nga ana e komisionit është bërë për të gjitha rastet përfshi këtu edhe dëmet që i janë shkaktuar familjes Vatovci, ai u zotua se të gjitha këto raste do të vinë në kuvend për aprovim dhe të njëjtat më pas do të procedohen në ministrinë e linjës për të ofruar ndihmë financiare për këta fermer.

Në fund të debatit lidhur me këtë pikë të rendit të ditës, kuvendi pas votimit me 26 vota “për” vendosi me sa vijon:

1. Me këtë vendim aprovohet raporti i Komisionit Komunal lidhur me Vlerësimin e Dëmeve nga Fatkeqësitë Natyrore dhe Fatkeqësitë e tjera, në Komunën e Vushtrrisë, për muajt: korrik dhe gusht 2024.

2. Komisioni Komunal për Vlerësimin e Dëmeve nga Fatkeqësitë Natyrore dhe Fatkeqësitë tjera, ka dalë në terren dhe ka bërë evidentimin e dëmeve të shkuara nga moti i ligë (erërat e forta, breshëri dhe zjarret,), që kanë mbretëruar në periudhën e sipër-cekur, në Komunën e Vushtrrisë.

3. Komisioni i cekur më lartë, ka bërë vlerësimin e dëmeve dhe ka shqyrtuar kërkesat e qytetarëve, dhe konform të gjeturave ka evidentuar dhe kalkuluar shumat e mjeteve financiare në vlerë totale prej **13,005.30 €**, si në të mbjellat bujqësore e po ashtu edhe dëmet e shkuara në ekonomitë familjare dhe këto të dhëna për dëmet janë të bashkangjitura në mënyrë tabelare në raportin e komisionit.

4. Pjesë përbërëse e këtij vendimi është Raporti i Komisionit Komunal për Vlerësimin e Dëmeve nga Fatkeqësitë Natyrore dhe Fatkeqësitë tjera, në Komunën e Vushtrrisë.

5. Për zbatimin e këtij vendimi obligohen: Drejtoria për Mbrojtje dhe Shpëtim e Komunës së Vushtrrisë dhe po ashtu ky vendim i dërgohet edhe Agjencisë për Menaxhimin e Emergjencave (AME).

6. Ky vendim hyn në fuqi shtatë (7) ditë pas publikimit në faqen zyrtare të Komunës së Vushtrrisë.

7. Informatë lidhur me procedurën e kërkesave për lejet ndërtimore për vitin 2024.

Adnan Lahu, anëtar i kuvendit –ceku se Plani Zhvillimor Komunal 2016-2024 tash më është i skaduar dhe komuna është akoma duke u bazuar në këtë plan, ai kërkoj informatë se a është duke u punuar në hartimin e planit të ri, dhe mbi bazën e cilit plan janë duke u lëshuar lejet ndërtimore. **Drilon Isufi, drejtor i DUMM-së**-informoj se komuna aktivitetin e saj është duke e bazuar në planin aktual, deri sa të hartohet plani i ri që është proces e sipër për tu përfunduar.

8. Informatë për punën e Këshillit Komunal për Siguri në Bashkësi për vitin 2024.

9. Plani i Punës i Këshillit Komunal për Siguri në Bashkësi për vitin 2025.

Pas shqyrtimi të kësaj pike të rendit të ditës, kuvendit pas votimit me 22 vota “për” aprovoj Planin e Punës të Këshillit Komunal për Siguri në Bashkësi për vitin 2025.

10. Kërkesë për përkrahje financiare.

Jeton Gjaka, anëtar i kuvendit –vlerësoi se në shumë fshatra janë duke u ndërtuar shtëpi të komuniteteve, dhe me që kostoja financiare për ndërtimin e këtyre shtëpive është e lartë propozoi që komuna në mënyrë lineare të ndaj nga 2000 € për secilën shtëpi të komunitetit që është duke u ndërtuar.

Faton Hyseni, anëtar i kuvendit –mendon se shuma prej 3000 € për mbulimin e kostos për ndërtimin e shtëpisë së komunitetit në fshatin Stanoc i Poshtëm është shumë e vogël, por megjithatë është e mirëscardhur.

Pas shqyrtimi të kësaj pike të rendit të ditës, kuvendit pas votimit me 24 vota “për” vendosi me sa vijon:

1. Me këtë vendim z. Rrahim Ajeti, kryetar i Këshillit të fshatit Stanoc i Poshtëm i ndahen mjete financiare në shumë prej tremijë euro (3,000.00 €), ndihmë financiare për rregullimin e kulmit të shtëpisë së komunitetit në fshatin Stanoc i Poshtëm.

2. Mjetet financiare të cekura si në pikën paraprake të këtij vendimi do të sigurohen nga buxheti i Komunës së Vushtrrisë, Drejtoria për Bujqësi Pylltari dhe Zhvillim Rural, kategoria subvencione dhe transfere, kodi i programit 470.

3. Për zbatimin e këtij vendimi obligohen: Drejtoria për Bujqësi Pylltari dhe Zhvillim Rural si dhe Drejtoria për Buxhet dhe Financa.

4. Ky vendim hyn në fuqi pesëmbëdhjetë (15) ditë pas regjistrimit në zyrën e Protokollit në Ministrinë e Administrimit të Pushtetit Lokal si dhe shtatë (7) ditë pas publikimit në faqen zyrtare të Komunës së Vushtrrisë.

11. Pyetje dhe përgjigje

Refik Maloku, anëtar i kuvendit –duke u nisur nga obligimet që dalin nga Kontrata Kolektive e Arsimit, dhe mjete që i janë marr Komunës së Vushtrrisë, pyeti se sa nga këto mjete iu kanë dalë në llogaritë bankare mësimdhënësve të Komunës së Vushtrrisë, duke u bërë dallim dhe duke u bërë e ditur se sa para kanë shkuar në kontot e mësimdhënësve, sa tek avokatet dhe sa tek përmbaruesit privat, kjo do të mund të zgjidhej me një raport nga ana e Drejtorisë për Buxhet dhe Financa. Tutje ai vlerësoi se kryetari Idrizi, është duke kamufluar, kur deklaroi se sikur këto mjete do ti paguante Qeveria e Kosovës, nuk do të dëmtohej komuna, por me çfarë akti juridik do të mund ti paguante këto mjete Qeveria e Kosovës, kur dihet se këto kontrata janë nënshkruar nga qeveritë e kaluara të Kosovës.

Ferit Idrizi, kryetar i komunës–duke ju referuar diskutimit të parafolësit, sqaroi se anëtari i kuvendit që është edhe mësimdhënës, duhet të dijë se ka lidhur marrëveshje me avokatin për përfaqësimin e tij dhe ai duhet ti dijë këtë çështje. Më tej shtoi se z. Maloku nuk ka nevojë ta mbroj Qeverinë e Republikës së Kosovës sepse ajo është e Kosovës nuk është vetëm e një individi, dhe sqaroi se përkund kësaj për përmbushjen e kontratës kolektive ka qenë e obliguar Ministria e Arsimit, Shkencës dhe Teknologjisë, pavarësisht se ministria aktual e i kësaj qeverie nuk është nënshkrues i kësaj kontrate.


Ymer Haradinaj, anëtar i kuvendit –pyeti kryetarin e komunës se kur do të bëhet shtrirja e rrjetit të ujësjellësit për të gjitha fshatrat e komunës, e konkretisht në fshatin Stanoc i Epërm, ku kryetari ka deklaruar se do të vendosen disa pompa, por kjo gjë edhe pse ka filluar nuk po shihet se është duke përfunduar dhe po ashtu kur pritet që ky projekt për furnizim me ujë të pijes do të përfundoj.

Ferit Idrizi, kryetar i komunës–sqaroi se procesi për vendosjen e pompave të ujit është duke vazhduar dhe pritet të përfundoj shumë shpejt, një vështirësi është vonesa për pajisje me pëlqime nga ana e KEDS-it.

Sylejman Mehulli, anëtar i kuvendit – në emër të LVV-së në Vushtri, urojë të gjithë qytetarët e Komunës së Vushtrrisë të besimit islam Muajin e Shenjët të Ramazanit duke ju uruar shëndet e begati në familjet e tyre.

Mbledhja përfundoi në ora 11:20

Bastri Duraku


Procesmbajtës

Melihate Basholli-Latifi


Kryesuese e Kuvendit

